

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 13 NOVEMBER 2014, PUKUL 10.00 PAGI

Bil. 48

PERTANYAAN-PERTANYAAN BAGI JAWAB LISAN

1. PR-1323-L63763
Dato' Haji Mohd Zaim bin Abu Hasan [Parit] minta **MENTERI KEWANGAN** menyatakan garis panduan yang digunakan di atas lantikan Ketua Pegawai Eksekutif di setiap Syarikat Berkaitan Kerajaan.
2. PR-1323-L64500
Dr. Tan Seng Giaw [Kepong] minta **MENTERI PEMBANGUNAN WANITA, KELUARGA DAN MASYARAKAT** menyatakan bilangan wanita di semua sektor utama dan matlamatnya. Apakah kemudahan yang diadakan untuk para pekerja wanita yang mempunyai anak.
3. PR-1323-L64106
Dato' Haji Abdul Rahman bin Haji Mohamad [Lipis] minta **PERDANA MENTERI** menyatakan usaha untuk menaik taraf sistem peperiksaan online yang diperkenalkan oleh Suruhanjaya Perkhidmatan Awam (SPA) bagi mengatasi masalah teknikal yang membabitkan server kepada calon yang mengalami kesulitan untuk menjawab soalan peperiksaan tersebut.
4. PR-1323-L63922
Tuan Nik Mohamad Abduh bin Nik Abdul Aziz [Pasir Mas] minta **MENTERI BELIA DAN SUKAN** menyatakan langkah untuk memperkembangkan lagi program-program seperti Digital Campus 2014 (DC 2014) yang dilihat berupaya meningkatkan minat belia untuk bersaing dalam industri teknologi.
5. PR-1323-L65198
Datuk Seri Panglima Haji Abdul Ghapur bin Haji Salleh [Kalabakan] minta **MENTERI TENAGA, TEKNOLOGI HIJAU DAN AIR** menyatakan :-
 - (a) apakah ada usaha terkini pihak kementerian dalam menyelesaikan masalah bekalan elektrik yang masih terus membelenggu rakyat Sabah khususnya di Tawau; dan
 - (b) apakah ada "time frame" yang sudah ditetapkan untuk menyelesaikan masalah ini.

6. PR-1323-L64719
Tuan Ramkarpal Singh a/l Karpal Singh [Bukit Gelugor] minta **PERDANA MENTERI** menyatakan jumlah PATI di negeri Sabah dan langkah-langkah terkini yang diambil untuk mengusir mereka dari negeri tersebut.
7. PR-1323-L63566
Dr. Noor Azmi bin Ghazali [Bagan Serai] minta **MENTERI KEWANGAN** menyatakan bagaimanakah GST dapat meningkatkan kualiti kehidupan keluarga berpendapatan rendah serta keberuntungan IKS dan apakah pengalaman yang berkaitan di negara-negara lain yang melaksanakan GST.
8. PR-1323-L64191
Dr. Michael Jeyakumar Devaraj [Sungai Siput] minta **MENTERI SUMBER ASLI DAN ALAM SEKITAR** menyatakan sama ada Kerajaan Malaysia dan Indonesia menerima kenyataan bahawa penurunan paras air bumi (ground water level) adalah antara sebab utama kebakaran hutan gambut di Sumatera dan Kalimantan. Apakah langkah-langkah konkrit yang sedang diambil oleh kedua-dua kerajaan untuk meningkatkan balik paras air bumi.
9. PR-1323-L63394
Datuk Aaron Ago anak Dagang [Kanowit] minta **MENTERI SUMBER MANUSIA** menyatakan jumlah dan peratusan pekerja kasar Bumiputera (buruh tempatan Sarawak terutama kaum Dayak) yang mendapat pekerjaan di sektor pembuatan (kilang-kilang), pembinaan, perladangan, perkhidmatan dan sebagainya di negara ini. Berapakah pendapatan bulanan (purata) mereka dan adakah ia setimpal dengan hasrat Kerajaan untuk negara kita mencapai negara maju menjelang W2020.
10. PR-1323-L63322
Puan Siti Zailah binti Mohd Yusoff [Rantau Panjang] minta **MENTERI PENDIDIKAN** menyatakan statistik masalah disiplin, ponteng, gangsterisma dan gejala sosial yang melibatkan pelajar di peringkat Sekolah Rendah, Menengah dan Menengah Atas di seluruh negara serta cadangan penyelesaiannya.
11. PR-1323-L63846
Datuk William @ Nyallau anak Badak [Lubok Antu] minta **MENTERI KEMAJUAN LUAR BANDAR DAN WILAYAH** menyatakan setakat mana pembinaan jalan-jalan luar bandar seperti Jalan Ng. Kesit ke Ulu Lemanak dan Jalan dari Ulu Kesit menuju ke Ulu Sg. Engkari diberi keutamaan sebagai salah satu program transformasi pembangunan luar bandar untuk menaik taraf kehidupan penduduk luar bandar kerana di kawasan inilah paras kemiskinan rakyat amatlah begitu tinggi.
12. PR-1323-L63536
Dato' Dr. Nik Mazlan bin Nik Mohamad [Pasir Puteh] minta **MENTERI KEWANGAN** menyatakan adakah Kerajaan membuat penyemakan semula ke atas kadar bayaran insurans kenderaan bermotor yang membebankan pengguna berpendapatan rendah dengan kenaikan kos sara hidup yang semakin meningkat sekarang.

13. PR-1323-L63673
Dato' Abdul Manan bin Ismail [Paya Besar] minta **MENTERI PENDIDIKAN** menyatakan strategi Kementerian merealisasikan konsep sekolah wawasan yang kini masih pada peringkat percubaan di dalam sistem pendidikan negara.
14. PR-1323-L63882
Tuan Haji Nasrudin bin Hassan [Temerloh] minta **MENTERI PENDIDIKAN** menyatakan :-
- (a) tindakan-tindakan yang dibuat bagi meningkatkan kesesuaian kursus yang ditawarkan dan dipelajari di universiti dengan kehendak semasa industri; dan
 - (b) peluang-peluang kerjaya bagi kursus yang ditawarkan.
15. PR-1323-L63449
Datuk Jumat bin Idris [Sepanggar] minta **MENTERI PERTANIAN DAN INDUSTRI ASAS TANI** menyatakan apakah usaha Kementerian melalui Lembaga Kemajuan Ikan Malaysia (LKIM) untuk membantu nelayan pantai di daerah Kota Kinabalu khususnya untuk membina jeti pendaratan ikan di Sepanggar.
16. PR-1323-L64189
Tuan Oscar Ling Chai Yew [Sibul] minta **PERDANA MENTERI** menyatakan sama ada Malaysia merupakan negara Islam atau Islamic state, melihat kita mempunyai agama persekutuan dan berdasarkan kesultanan Melayu beragama Islam.
17. PR-1323-L64756
Datuk Hajah Norah binti Abd Rahman [Tanjong Manis] minta **MENTERI DALAM NEGERI** menyatakan apakah siasatan dilakukan oleh Bank Negara Malaysia (BNM) untuk mencari sumber yang memberikan nombor telefon bimbit dan emel kepada sindiket yang melakukan penipuan (scam) melalui emel, SMS dan telefon bimbit dan apakah tindakan yang dilakukan kepada mereka yang memberi maklumat ini kepada orang yang tidak sepatutnya.
18. PR-1323-L63641
Dato' Kamarudin bin Jaffar [Tumpat] minta **MENTERI LUAR NEGERI** menyatakan apakah isu-isu utama yang akan diperjuangkan oleh Kerajaan jika kita menang kerusi Ahli Majlis Keselamatan PBB.
19. PR-1323-L63429
Datuk Juslie bin Ajirol [Libaran] minta **MENTERI DALAM NEGERI** menyatakan hasil setakat ini menerusi pasukan khas Polis Diraja Malaysia (PDRM) bersama Suruhanjaya Komunikasi dan Multimedia Malaysia bagi menyiasat dan memburu individu yang menggerakkan usaha untuk membawa Sabah keluar dari Malaysia.

20. PR-1323-L63403
Tuan Wong Tien Fatt @ Wong Nyuk Foh [Sandakan] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan berapakah Program Perumahan Rakyat (PPR) telah dan akan dilancarkan dari tahun 2010-2020 di kawasan Sandakan. Berapakah peruntukan telah disediakan untuk maksud ini dan berapakah purata harga rumah seunit.
21. PR-1323-L64022
Dato Sri Dr. Muhammad Leo Michael Toyad Abdullah [Mukah] minta **MENTERI LUAR NEGERI** menyatakan apakah langkah-langkah yang di ambil dalam isu Laut China Selatan.
22. PR-1323-L64625
Tuan Wong Ling Bui [Sarikei] minta **PERDANA MENTERI** menyatakan bilakah Akta Hasutan akan dimasuhkan. Apakah sebab Kerajaan masih tidak mahu memansuhkan Akta Hasutan dengan segera demi prinsip menjaga hak asasi rakyat.
23. PR-1323-L63496
Datuk Nur Jazlan bin Mohamed [Pulai] minta **MENTERI PENGANGKUTAN** menyatakan berapakah luas kawasan pencarian di Selatan Lautan Hindi yang sudah diterokai bagi mencari serta mengesan lokasi pesawat MH370 dan berapakah kos yang sudah dibelanjakan bagi mencari pesawat MAS terbabit.
24. PR-1323-L63376
Laksamana Pertama Mohamad Imran bin Abd Hamid (B) [Lumut] minta **MENTERI PERTAHANAN** menyatakan mengapa dalam bulan Ramadhan kereta perisai ATM berada di KM 232 Lebuhraya Utara Selatan hingga boleh terbalik kerana hilang kawalan menyebabkan kematian dan luka parah warga tentera. Berapa jumlah pampasan pihak Kerajaan beri kepada semua waris mangsa yang terlibat.
25. PR-1323-L64498
Tuan Lim Lip Eng [Segambut] minta **MENTERI WILAYAH PERSEKUTUAN** menyatakan sebab projek pembangunan semula Plaza Rakyat diberi secara rundingan terus kepada Profit Consortium Sdn. Bhd., adakah Ahli-ahli politik memegang saham secara langsung ataupun tidak langsung di dalam syarikat itu, berapakah kos yang ditanggung oleh Dewan Bandaraya Kuala Lumpur dalam projek tersebut dan tarikh projek itu akan disiapkan.

26. PR-1323-L64824

Tuan Shamsul Iskandar bin Mohd Akin [Bukit Katil] minta **PERDANA MENTERI** menyatakan :-

- (a) berapa banyak Program Pengurusan Bencana Peringkat Komuniti (Community Based Disaster Management) yang telah dijalankan sejak tahun 2005 serta bilangan sukarelawan yang telah dilahirkan dari pelaksanaan program Pengurusan Bencana Peringkat Komuniti (Community Based Disaster Management) ini; dan
- (b) berapakah kos yang telah terlibat di dalam melaksanakan Program Pengurusan Bencana Peringkat Komuniti (Community Based Disaster Management) tersebut sejak pertama kali diadakan pada tahun 2005 sehingga sekarang.

27. PR-1323-L64268

Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan langkah-langkah yang diambil oleh kerajaan sekiranya ada syarikat yang melaksanakan rentikerjasentara.

28. PR-1323-L65022

Dato' Seri Anwar bin Ibrahim [Permatang Pauh] minta **PERDANA MENTERI** menyatakan apakah Kerajaan bersedia untuk menaik taraf sistem Parlimen di Malaysia dengan mewujudkan sesi Prime Minister's Questions atau PMQs sepertimana sistem Westminster di UK yang memperuntukkan setengah jam untuk Perdana Menteri menjawab soalan-soalan berkaitan.

29. PR-1323-L64517

Tuan Gooi Hsiao-Leung [Alor Setar] minta **MENTERI PERDAGANGAN ANTARABANGSA DAN INDUSTRI** menyatakan tujuan permintaan Proton bagi geran RM1.7 bilion daripada Majlis Ekonomi dalam Julai 2014, dan sama ada permintaan itu telah diluluskan oleh Kerajaan.

30. PR-1323-L64617

Tan Sri Dato' Seri Abd Khalid bin Ibrahim [Bandar Tun Razak] minta **MENTERI PENGANGKUTAN** menyatakan aksiom dan model penubuhan Suruhanjaya Penerbangan secara terperinci supaya ianya bebas, berkecuali dan bertanggungjawab, menitik beratkan antara lain kesaksamaan persaingan serta ketelusan penetapan caj oleh semua pemain demi manfaat pengguna tanpa menjejaskan prospek pertumbuhan industri mampan, sejajar dengan amalan terbaik antarabangsa.

31. PR-1323-L64596

Dato' Shamsul Anuar bin Haji Nasarah [Lenggong] minta **MENTERI PERTANIAN DAN INDUSTRI ASAS TANI** menyatakan :-

- (a) usaha dan perancangan kementerian bagi menjadikan bidang pertanian sebagai pilihan utama generasi muda; dan
- (b) nyatakan kesan kepada sektor pertanian akibat perubahan cuaca dunia.

32. PR-1323-L63811
Dato' Dr. Tan Kee Kwong [Wangsa Maju] minta **PERDANA MENTERI** menyatakan apakah keperluan FELDA untuk membangunkan ladang ternakan ikan sturgeon. Adakah ini memberi kesan buruk dengan menebang 50 ekar hutan simpan yang berusia 1500 tahun.
33. PR-1323-L65370
Datuk Ikmal Hisham bin Abdul Aziz [Tanah Merah] minta **MENTERI PERTAHANAN** menyatakan sejauh manakah keberkesanan Program Latihan Khidmat Negara dan setakat ini berapa ramaikah yang sudah menjalani latihan itu sejak ia diperkenalkan.
34. PR-1323-L64246
Dato' Noraini binti Ahmad [Parit Sulong] minta **MENTERI PERUSAHAAN PERLADANGAN DAN KOMODITI** menyatakan apakah Kementerian mempunyai pendekatan baru dan strategi yang lebih berkesan dalam menangani kempen oleh pertubuhan-pertubuhan bukan Kerajaan (NGOs) luar negara yang terus menerus menghentam industri kelapa sawit sebagai antara penyebab utama masalah perubahan iklim global.
35. PR-1323-L64149
Datuk Koh Nai Kwong [Alor Gajah] minta **MENTERI DALAM NEGERI** menyatakan jumlah permohonan dan penganugerahan kewarganegaraan Malaysia dalam tempoh 1990-2014 mengikut spesifikasi umur, jantina dan negara asal. Apakah langkah-langkah Kementerian dalam memastikan setiap permohonan adalah tulen dan apakah tempoh masa yang diambil untuk proses Tapisan Keselamatan oleh pihak Polis Diraja Malaysia (PDRM).
36. PR-1323-L65237
Dr. Hajah Siti Mariah binti Mahmud [Kota Raja] minta **MENTERI DALAM NEGERI** menyatakan status Program 6P dan sejauh manakah kejayaan Kerajaan mengurangkan jumlah PATI di Malaysia.
37. PR-1323-L64417
Tuan Haji Zainudin bin Ismail [Jelebu] minta **PERDANA MENTERI** menyatakan apakah benar sistem perundangan dan kehakiman negara kita sudah terhakis atau ia hanyalah satu persepsi buruk sahaja akibat tindakan sesetengah pihak. Apakah punca dan sebab kenapa terjadi sedemikian dan apakah usaha Kerajaan untuk mendepani keadaan ini.
38. PR-1323-L65291
Dato' Ir. Haji Nawawi bin Ahmad [Langkawi] minta **MENTERI PERDAGANGAN ANTARABANGSA DAN INDUSTRI** menyatakan :-
- (a) apakah benar Malaysia akan kehilangan hasil sumber pendapatan dengan pemansuhan duti import apabila TPP dilaksanakan.; dan
 - (b) sejauh manakah TPP ataupun perjanjian perdagangan bebas dapat membantu dalam mengurangkan beban hidup rakyat sekiranya duti import sesuatu barangan import telah dikurang ataupun dimansuhkan.

39. PR-1323-L63521
Tuan Haji Mohd Fasih bin Haji Mohd Fakeh [Sabak Bernam] minta **MENTERI PERTANIAN DAN INDUSTRI ASAS TANI** menyatakan bilangan pasar tani anjuran FAMA yang telah diwujudkan di seluruh negara mengikut negeri dan nyatakan jumlah jualan yang dapat dikutip perniaga-perniaga pasar tani ini sepanjang tahun 2013 dan 2014 serta sejauh manakah sasaran untuk mewujudkan 1000 pasar tani FAMA dapat diwujudkan.
40. PR-1323-L63743
Dato' Fauzi bin Abdul Rahman [Indera Mahkota] minta **PERDANA MENTERI** menyatakan apakah Kerajaan bersedia meletakkan Petronas di bawah Parlimen agar hasil petroleum milik rakyat yang juga penyumbang terbesar ekonomi negara itu dipantau urusannya oleh rakyat melalui Parlimen.
41. PR-1323-L64056
Dato' Johari bin Abdul [Sungai Petani] minta **PERDANA MENTERI** menyatakan :-
- (a) selaras dengan Artikel 113 (4) Perlembagaan Persekutuan, adakah Kerajaan berhasrat untuk membenarkan Suruhanjaya Pilihanraya memulakan pilihan raya di peringkat Kerajaan Tempatan; dan
 - (b) apakah halangan-halangan utama yang menyebabkan Kerajaan enggan mengadakan pilihan raya di peringkat Kerajaan Tempatan seperti amalan di negara-negara maju dan membangun yang lain.
42. PR-1323-L63956
Tuan M. Kulasegaran [Ipoh Barat] minta **PERDANA MENTERI** menyatakan bagaimana Kerajaan akan menangani dan mencari suatu penyelesaian segera dan efektif dalam kes penukaran dan pengislaman anak-anak dengan mendapat keizinan daripada sebelah pihak ibu atau bapa sahaja di mana kabinet memutuskan untuk mengharamkannya pada tahun 2009.
43. PR-1323-L65339
Tan Sri Datuk Seri Panglima Annuar bin Musa [Ketereh] minta **MENTERI KERJA RAYA** menyatakan tempoh dan fasa-fasa pembinaan Lebuhraya Kota Bharu K. Krai yang akan dilaksanakan oleh Kerajaan Persekutuan dan berapakah anggaran kos keseluruhan projek berkenaan.
44. PR-1323-L63632
Datuk Bung Moktar bin Radin [Kinabatangan] minta **MENTERI PENDIDIKAN** menyatakan :-
- (a) mengenai cadangan pelaksanaan Sekolah Menengah Kg. Paris, Kinabatangan; dan
 - (b) cadangan menaiktaraf Sekolah Kebangsaan dan Sekolah Menengah Kg. Sukau, Kinabatangan.

45. PR-1323-L63783
Raja Dato' Kamarul Bahrin Shah [Kuala Terengganu] minta **MENTERI KERJA RAYA** menyatakan apakah status LPT 2 sekarang setelah diberi pengesahan pada sesi Parlimen awal tahun 2014 ianya akan siap sepenuhnya pada September 2014.
46. PR-1323-L64067
Dr. Che Rosli bin Che Mat [Hulu Langat] minta **MENTERI TENAGA, TEKNOLOGI HIJAU DAN AIR** menyatakan hala tuju polisi campuran bahan api (fuel mix policy) untuk pembekalan elektrik pada masa hadapan dan apakah perancangan Kementerian untuk mengurangkan kebergantungan kepada bahan api fosil seperti gas asli dan arang batu.
47. PR-1323-L65225
Tuan Mohamed Hanipa bin Maidin [Sepang] minta **MENTERI DALAM NEGERI** menyatakan :-
- (a) adakah Kerajaan akan membuka semula pejabat pendaftaran negara dan Pejabat Imigresen Cawangan Sungai Pelek yang telah ditutup di Bandar Baru Salak Tinggi; dan
 - (b) adakah Kerajaan akan mempercepatkan pembinaan balai polis di Putra Perdana.
48. PR-1323-L65030
Tuan Liew Chin Tong [Kluang] minta **PERDANA MENTERI** menyatakan status terkini rancangan pembinaan loji jana kuasa nuklear di Malaysia termasuk lokasi-lokasi (negeri dan daerah) yang dikenalkan sesuai untuk loji tersebut.

1. Menyambung Semula Pertimbangan ke atas Rang Undang-undang Perbekalan 2015 (D.R.15 /2014) dan Usul Anggaran Perbelanjaan Pembangunan 2015 seperti berikut:-

Dalam Jawatankuasa Sebuah-buah Majlis (13 November, 2014)

- | | | | |
|---------------------------------|---------------|---|--|
| 2. | (D.R 19/2014) | Rang Undang-undang Kewangan (No.2) 2014 | Bacaan Kali Yang Kedua |
| [Menteri Kewangan] | | | |
| 3. | (D.R 10/2014) | Rang Undang-undang Penjara (Pindaan) (No.2) 2014 -
Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(9 Oktober, 2014) | |
| [Menteri Dalam Negeri] | | | |
| 4. | (D.R 11/2014) | Rang Undang-undang Kewangan (Pindaan) 2014 | Tatacara Bacaan Kali Yang Kedua |
| [Menteri Kewangan] | | | |
| 5. | (D.R 13/2014) | Rang Undang-undang Kumpulan Wang Amanah Negara (Pindaan) 2014 | “ |
| [Menteri Kewangan] | | | |

6. (D.R 12/2014) Rang Undang-undang Wang Tak Dituntut (Pindaan) 2014 “

[Menteri Kewangan]
7. (D.R 14/2014) Rang Undang-undang Kumpulan Wang Pinjaman Perumahan (Pindaan) 2014 “

[Menteri Kewangan]
8. (D.R 16/2014) Rang Undang-undang Suruhanjaya Syarikat Malaysia (Pindaan) 2014 “

[Menteri Perdagangan Dalam Negeri, Koperasi dan Kepenggunaan]
9. (D.R 17/2014) Rang Undang-undang Pendaftaran Perniagaan (Pindaan) 2014 “

[Menteri Perdagangan Dalam Negeri, Koperasi dan Kepenggunaan]
10. (D.R 18/2014) Rang Undang-undang Perkongsian Liabiliti Terhad (Pindaan) 2014 “

[Menteri Perdagangan Dalam Negeri, Koperasi dan Kepenggunaan]
11. **Menteri Kewangan** akan mencadangkan:-

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan), membuat pelaburan dengan menukarkan pinjaman Kerajaan Malaysia sebanyak RM400 juta kepada Malaysia Debt Ventures Berhad (MDV), sebuah syarikat yang dimiliki oleh Menteri Kewangan (Diperbadankan) kepada ekuiti bersamaan dengan Empat Ratus Juta (400,000,000) unit saham biasa pada nilai RM1 bagi satu unit saham”.

12. **Menteri Kewangan** akan mencadangkan:-

"Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

"Kumpulan Wang Amanah Tabung Konservasi Sumber Asli Nasional"

13. **Menteri Kewangan** akan mencadangkan:-

"Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

"Kumpulan Wang Amanah Fi Jaminan"

14. PR-1323-U63530

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, ketiadaan "Standby Generator" di Klinik Kesihatan Putatan telah menimbulkan banyak kerumitan kepada pengguna dan pengendali Klinik Kesihatan Putatan. Dan mengambil maklum juga, bahawa dengan kekerapan gangguan bekalan elektrik yang dihadapi oleh Negeri Sabah pada ketika ini, ada kalanya klinik tersebut tidak dapat berfungsi sehingga beberapa jam sehari dan dikhuatiri akan mendatangkan kemudaratan dalam kes kecemasan. Dan mengambil maklum juga bahawa, para pengguna Klinik Kesihatan Putatan bukan sahaja yang datang daripada daerah Putatan tetapi juga dari kawasan berdekatan seperti Tanjung Aru, Kepayan, Petagas dan Kinarut. Dan mengambil maklum juga bahawa, selain keadaan gelap gelita dan kelam kabut ketika berlaku gangguan bekalan elektrik, ianya juga membuatkan rakyat mula merungut tentang mutu perkhidmatan kesihatan yang disediakan oleh pihak Kementerian. Maka, bagi mengatasi masalah, Dewan ini hendaklah mengambil ketetapan bahawa, pihak Kementerian hendaklah memasang "Standby Generator Set" bagi Klinik Kesihatan Putatan."

[Kementerian Kesihatan]

15. PR-1323-U63531

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, gangguan bekalan elektrik di negeri Sabah kian menjadi-jadi di mana dikatakan daripada tahap teruk kepada tahap parah". Dan mengambil maklum juga, bahawa setiap kali gangguan bekalan elektrik berlaku, terdapat banyak rungutan dari kalangan rakyat mengenai dengan kerugian daripada segi produktiviti, hasil dan juga kerosakan harta benda. Dan mengambil maklum juga bahawa setiap gangguan bekalan elektrik berlaku, wakil rakyat akan diburu dan dipersalahkan.

Dan mengambil maklum juga bahawa, kenyataan demi kenyataan oleh pihak berwajib bahawa gangguan bekalan elektrik di negeri Sabah akan dapat diatasi tetapi sehingga kini gangguan bekalan elektrik tetap berlaku malah semakin kerap. Maka, demi untuk kesejahteraan rakyat, Dewan ini hendaklah mengambil ketetapan bahawa, pihak Kementerian mengambil satu tindakan yang drastik jangka pendek dan jangka panjang bagi mengatasi masalah gangguan bekalan elektrik di negeri Sabah. "

[Kementerian Tenaga, Teknologi Hijau dan Air]

16. PR-1323-U63540

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, sejak akhir-akhir ini, terdapat banyak seruan untuk membawa negeri Sabah dan Sarawak keluar daripada Persekutuan Malaysia. Dan mengambil maklum juga, bahawa seruan ini adalah kononya berikutan dengan ketidakpuasan hati segelintir rakyat di kedua-dua negeri ini mengenai dengan isu-isu seperti royalti minyak, tarikh kemerdekaan, pengagihan dana pembangunan serta status ekonomi Bumiputera Negeri Sabah dan Sarawak. Dan mengambil maklum juga bahawa, dalam kes negeri Sabah, Isu Pembentangan Laporan Suruhanjaya Siasatan Diraja mengenai pendatang asing tanpa izin yang dikatakan dilengah-lengahkan serta kebanjiran pendatang asing tanpa izin ke negeri Sabah yang dikatakan telah menggugat keselamatan negara, telah memburukkan lagi keadaan. Dan juga mengambil maklum bahawa, sentimen Anti-Persekutuan dan sentimen Anti Sabah dan Sarawak yang dimainkan oleh segelintir pihak kini kian merebak dengan serius dan, ini kalau tidak ditangani dengan kadar segera akan menyebabkan kacau bilau dan menggugat keharmonian negara. Serta mengambil maklum juga bahawa, terdapat juga kenyataan-kenyataan pemimpin Kerajaan, NGO dan orang perseorangan yang dianggap kurang sensitif kepada perasaan penduduk negeri Sabah dan Sarawak. Maka, bagi menangani masalah ini, Dewan ini hendaklah mengambil ketetapan bahawa, Kerajaan hendaklah mengambil tindakan tegas kepada mereka yang bertanggungjawab, sama ada dari pihak awam, NGO, pemimpin Kerajaan dan pembangkang agar sentimen Anti-Persekutuan serta anti Sabah dan Sarawak dapat dibendung. Kerajaan juga hendaklah bertindak untuk menutup mana-mana laman sosial yang telah dibuktikan terlibat dalam gejala ini."

[Kementerian Dalam Negeri]

17. PR-1323-U63554

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kemalangan yang melibatkan maut terutama sekali kenderaan awam kian meningkat kerana disebabkan oleh pemanduan laju. Dan mengambil maklum juga, bahawa kadar kemalangan ini meningkat terutama sekali dalam musim perayaan di mana para pengusaha dan pemandu kenderaan pengangkutan awam cuba memaksimumkan keuntungan dengan tanpa menghiraukan keselamatan penumpang. Dan mengambil maklum juga bahawa, pihak berkuasa seperti Suruhanjaya Pengangkutan Awam Darat, Jabatan Pengangkutan Jalan dan Polis Diraja Malaysia menghadapi kekangan kekurangan tenaga anggota serta jarak untuk menguatkuasakan had laju. Dan mengambil maklum juga bahawa, kuasa pengguna (penumpang) kenderaan pengangkutan awam boleh membantu pihak berkuasa untuk menentukan had laju kenderaan yang mereka tumpang dengan menegur pemandu tersebut apabila mereka melepasi had laju yang dibenarkan. Dan mengambil maklum juga bahawa pemasangan meter kelajuan kedua serta alat penggera di dalam kenderaan pengangkutan awam akan membolehkan para penumpang menyedari bahawa kenderaan yang mereka naiki telah melepasi had laju yang dibenarkan dan sekali gus menegur si pemandu tadi dan ini dapat mengelakkan kemalangan daripada berlaku. Maka, bagi menangani masalah kemalangan yang disebabkan oleh pemanduan laju, dewan ini hendaklah mengambil ketetapan bahawa, semua kenderaan pengangkutan awam hendaklah dipasang dengan meter kelajuan kedua dan alat penggera. "

[Perdana Menteri]

18. PR-1323-U63967

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum bahawa Kerajaan telah gagal untuk perhatin terhadap situasi pemerdagangan manusia dan mengambil tindakan dalam kes-kes pemerdagangan manusia sehingga Malaysia telah turun gred sehingga ke Tahap 3 (Tier 3) seperti yang dilaporkan oleh Kerajaan Amerika Syarikat dalam Laporan Pemerdagangan Orang 2014 (Trafficking in Persons Report 2014). Dalam keadaan ini Dewan ini mengarah Perdana Menteri mengambil tindakan untuk mengatasi masalah ini dengan segera."

[Kementerian Dalam Negeri]

19. PR-1323-U64509

Dr. Tan Seng Giaw [Kepong] akan mencadangkan:-

"Bahawa Dewan ini membahaskan dasar dan langkah untuk mencegah ekstremisme di Malaysia. "

[Kementerian Dalam Negeri]

20. PR-1323-U64511

Dr. Tan Seng Giaw [Kepong] akan mencadangkan:-

"Bahawa Dewan ini membincangkan dasar perubahan iklim."

[Kementerian Sumber Asli dan Alam Sekitar]

21. PR-1323-U65224

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Di Raja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan"

[Kementerian Dalam Negeri]

22. PR-1323-U65226

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Kementerian Pendidikan]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN</u> <u>2014</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST.89	Laporan Tahunan Dan Penyata Kewangan Kumpulan Wang Biasiswa Pengajian Tinggi Raja-Raja Dan Yang Dipertua-Yang Dipertua Negeri Bagi Tahun 2013	13 November 2014
ST.104	Laporan Tahunan dan Penyata Kewangan Lembaga Lebuhraya Malaysia (LLM) Bagi Tahun 2013.	13 November 2014